

[Augsburg], 18. November 1554

An Bonifacius Amerbach

UB Basel, G II 28, fol. 119r.

S. P. D. Rogatu Georgij Tanneri, Clariss[ime] vir, domine et patrone obseruande, mitto ad te fasciculum librorum, Heruagio reddendum, vt eos quamprimum excudat. Tabellario Veneto pro eo apportando dedi Ioachimicum, quem Tannerus Heruagium mihi redditurum, et huic nostrati etiam tabellario satisfacturum esse recepit. Is propter alia negocia Argentoratum profectus est: inde ad vos propter istos libros meo iussu, cum eos breui istuc per certos homines mittendi nullam facultatem prospicere possem. De hoc igitur Heruagium admoneas velim, meque commendatum habeas tui propter excellentem virtutem et doctrinam obseruantiss[imum] et amantissimum. Vale. Raptim. 18 Nouembris Anno 1554.

Hiero[nymus] Wolfius  
tuus ex animo.